

vnd erinnerungen/ die sonsten grossen nutzen bringen/ vnd viel vngelegenheit manchmahl verhüten können/ zurückbleiben. Dann ob schon die Eltern/ Lehrer vnd Prediger/ auch andere vorgesetzte/ Hoff- vnd Schulmeister hierinnen viel thun vermögen/ so gibts doch/ leyder/ die erfahrung/ daß die Eltern manchmal allzugelinde seynd/ vnnd die liebe kinder/ die jhnen gleichsam ins hertz gepflanzet/ nicht erzürnen wollen/ sonderlich wann sie erwachsen seynd/ von welcher gattung wir allhier reden vnd handeln: Vielmahls fürchten sie sich auch vor jhnen/ oder aber/ welches sehr schrecklich ist/ aber oft zu geschehen pflaget/ reitzen vnd führen sie die jhrige selbst vbel an. Lehrer vnd Prediger/ ob gleich solche jhr ampt trewlich verrichten/ so haben sie doch nicht allemahl gehöre/ vnd wird jhrer lehr vnd vermahnung bey vielen vnd den meisten nicht nachgelebet/ ja sie kommen selten oder wol gar nicht an den ort/ da sie solchermassen etwas hören vnd lernen könnten/ vnd wenden zu ihrer vermeynten entschuldigung vor/ daß diese leute zwar viel dinge verböten vnd vorbrächten/ deme sie doch [Bl. a iij r] selbst^a in jhrem thun vnnd leben nicht nachkämen/ welches nicht gut/ aber oft auch wahr ist: auß diesen ist leichtlich zu schliessen/ was Hoff- vnd Schulmeistern dißfalls vor folge werde geleistet werden/ dann diese zuchtmeistere seynd nicht allemahl/ sonderlich bey erwachsenen zur stätte/ oder in jhrer gesellschaft. Dannen hero daß erscheint/ wie nöhtig es seye/ daß solche trewhertzige warnungen vnd wortzüchtigungen von denen beschehen/ die da beyds stands vnnd wesens mit andern gleich/ vnd stettig vmb vns seynd/ alß in deren gegenwart die meisten ärgernuß vnnd vngeräumbte dinge vorgehen. Dieses aber wie hoch nothwendig es ist/ also ist es auch/ wie gesagt/ eine seltzame vnd schwarzen schwanen oder weissen raben gleichende sache/ die sich nicht leicht zuträget/ vnnter dessen aber nichts desto weniger deren nothwendigkeit wie den andern bleibet.

Derohalben ich daß verursacht worden/ auff ein ander mittel zu gedenccken/ wie den Rittersleuten wegen jhrer mängel vnnd gebrechen zu jhrer besserung nichts verschwiegen/ sondern die meynung solcher gestalt fein teutsch vnd rund möchte gesagt werden/ daß sie dieselbige nicht allein besser alß alle andere warnungen auffnehmen/ sondern auch daher anlaß nehmen können/ voreins theils dingen sich zu hüten/ anders theils davon abzustehen.

Der löbliche König auß Macedonia Philips/ deß grossen Alexanders Herrn Vatter/ ließ alle morgen einen Edelknaben vor sein bette treten/ vnd jhme^b diese worte zuschreyen; O König/ gedencke [Bl. a iij v] daß^a du ein mensch bist. Das war wol etwas/ vnd zu einem herrlichen zweck angesehen/ aber nicht genug[^c] dieweil es nur ins gemein geredt/ vnd nicht auff etwas gewisses vnd sonderbares gerichtet war/ es geschahe deß tages nur einmahl/ darzu deß morgen[s] frühe/ ja im bette/ daher er vielleicht noch halb schlaf[f]truncken/ vnnd also die worte nicht recht hören od[er] behertzigen kondte/ so würde es auch von einem kn[a]ben der kein ansehen hatte/ darzu auff befehl gerede[t]/ es geschach auß einer gepflogenen gewohnheit/ die d[an] endlich zur verachtung außzuschlagen pfliget/ wan[n] sie gemein wird/ Jn summa^d/ es war nicht gnug.

Es soll aber allhier die sage eben nicht seynd/ vo[n] groben vnd grossen sünden/ oder solchen thaten/ d[ie] da auß der Bibel oder Rechtsbüchern müssen